

西夏志略



西夏志畧卷四

宋

光宗紹熙四年夏主仁孝殂子純佑嗣

按宋史本紀不載

按夏國本傳紹熙四年九月

十日仁孝殂年七十在位五十五年改元大慶四年

大慶五年天盛二十一年乾祐二十四年謚曰聖德

皇帝廟號仁宗陵號壽陵子純佑嗣純佑仁宗長子

也母曰章猷欽慈皇后羅氏仁宗殂即位時年七十

明年改元天慶

寧宗開禧二年夏安全廢其主純佑而自立

按宋史本紀不載

按夏國本傳純佑以開禧二年

正月二十日廢遂殂年三十在位十四年謚曰昭簡

皇帝廟號桓宗陵號莊陵鎮夷郡王安全立安全崇

宗之孫越王仁友之子開禧二年正月廢其主純佑

自立明年改元應天

嘉定四年夏主安全殂遵瑄立

按宋史寧宗本紀不載

按夏國本傳嘉定四年八

月五日安全殂年四十二在位六年改元應天四年

皇建二年謚曰敬穆皇帝廟號襄宗陵號康陵有子
曰承禎齊國忠武王彥宗之子大都督府主遵頊立
遵頊始以宗室策試進士及第為人都督府主嘉定
四年七月三日立時年四十九改元光定金衛紹王
崇慶元年三月遣使冊為夏國主

嘉定十二年夏人約夾攻秦鞏許之

按宋史寧宗本紀不載 按夏國本傳夏左樞密使之
萬慶義勇遣二僧齋蠟書來西邊欲與共圖金人復
侵地制置使黃誼不報其後金人南遷議徙都長安

遣元帥赤盞以重兵宿鞏州夏主畏其侵迫乃遣樞
密使都招討宥子寧忠翼赴蜀聞議夾攻秦鞏聶子
述俾利西安撫丁煇答書飭將更嚴兵以得時嘉定
十二年二月也子述尋罷去煇特議不可輕動師不
可出十二月宥子寧遣使復申前說且責我以失期
時安丙再問宣聞許之命利州副都統程信任其
責十三年八月宥子寧以師期未告丙遂決意出師
以奏劄聞諸朝不待報可命將大舉卒無功夏人宥
子寧蒐名公輔亦率其眾歸國

嘉定十六年夏子遵頊傳位於子德旺

按宋史寧宗本紀不載 按夏國本傳十四年正月

丙回利州十六年遵頊有帑上皇傳位於其子德旺

理宗寶慶二年春遵頊殂七月德旺殂南平王覲立

按宋史本紀不載 按夏國本傳寶慶二年春遵頊

殂年六十四改元光定十三年謚曰英文皇帝廟號

神宗內戌七月德旺殂年四十六改元乾定四年廟

號獻宗清平劄王之子南平王覲立

金

太祖天輔六年敗遼主於陰山夏遣李良輔援遼野
谷幹魯婁室敗之

按金史本紀天輔六年六月幹魯婁室敗夏人於野
谷按夏國本傳夏國王李乾順其先曰拓跋思恭

唐禧宗時為夏繼銀宥節度使與李茂貞李克用等
破黃巢復京師賜姓李氏唐末天下大亂藩鎮連兵
惟夏州未嘗為唐患歷五代至宋傳數世至元昊始
稱帝遼人以公主下嫁李氏世修朝貢不絕事具遼

史天輔六年金破遼兵遼主走陰山夏將李良輔將

兵三萬未救遠次天德境野谷幹魯婁室敗之於宜
水追至野谷澗水暴至漂沒者不可勝計宗望至陰
山以便宜與夏國議和其書曰奉詔有之夏王遠之
自出不論終始危難相救今茲已舉遠國若能如事
遠之日以効職貢當聽其來毋致疑貳若遠主至彼
可令執送

太宗天會二年夏遣使奉誓表請如事遠之禮優詔
答之

按金史本紀天會二年春正月夏國奉表稱藩臣以

下寨以北陰山以南乙室耶刺部吐祿澤西之地與之
按夏國本傳天會二年始奉誓表以事遠之禮稱
藩請受割賜之地宗翰承制割下寨以北陰山以南
乙室耶刺部吐祿澤之西以賜之天會二年乾順遣
把里公亮等乘上誓表曰臣乾順言今月十五日西
南西北兩路都統遣左諫議大夫王介儒等齎謀奉
宣若夏國追悔前非捕送遠主立盟上表仍依遠國
舊制及賜誓詔將來或有不虞交相救援者臣與遠
國世通姻契名係藩臣輒為援以啓端會記威而結

釁既遠違天之咎果罹敗績之憂蒙降以德者寬前
罪仍賜土地用廣藩籬載惟含垢之恩常切載天之
望自今以後凡於歲時朝貢賀進表章使人往復等
事一切永依臣事遼國舊例其契丹皆主今不在臣
境至如奔竄到此不復存泊即當執獻若大朝知其
所在以兵追捕無散為地及依前援助其或徵兵即
當依應至如殊方異域朝覲天闕合經當國道路亦
不阻節以上所叙數事臣誓固此誠傳嗣不復苟或
有渝天地鑒察神明殛之禍及子孫不克享國所謂

西北西南兩路都統者宗翰也蓋宗望以太祖命與
之通書而宗翰以便宜割地議和云太宗使王阿海
楊天吉往賜誓詔曰維大會二年歲次甲辰閏三月
戊寅朔皇帝賜誓詔於夏國王乾順先皇帝誕膺駿
命肇啓鴻圖而卿國據夏臺境連遼右以効力於昏
主致結譽於王師先皇帝以謂忠於所事務施恩而
釋過迨眇躬之纂紹仰遺訓以道行卿乃深念前非
樂從內附旣使輶而奉貢効臣節以稱藩載錫寵光
用彰復好所
有割賜地土使聘禮節相為援助等事

一切恭依先朝制詔其依應徵兵所請允宜三辰在
上朕豈食言苟或變諭亦如卿誓遠垂戒論毋替厥
誠於是宋人與夏人俱受山西地宋人侵取之乾順
遣使表謝賜誓詔并論宋所侵地詔曰省所上表具
悉已命西南西北西路都統府從宜定奪是時宋翰
朝京師未還錄夏國奏付權都統幹魯宋人侵畧新
受疆土及使人王阿海爭儀物事與夏通問以便宜
決之初以山西九州與宋人而天德遠在一隅緩急
不可及割以與夏德破宋都護二帝乃畫陝西分界

自麟府路洛陽溝東距黃河西岸西厯暖泉堡廊延
路米脂谷至累勝寨環慶路威邊寨遇九星原至委
布谷口涇原威川寨畧古肅閑至此谷川秦鳳路通
懷堡至古會州自此直距黃河依見今流行分熙河
路盡四邊以限封域復分陝西北鄙以易天德聖內
以河為界及葦室定陝西婆盧火率兵先取威戎城
軍至威戎東與敵遇擊走之生致二人問之乃知為
夏將李過取威戎也乃還其人而與李過通問李過
軍威戎西蒲察軍威戎東而使使議事於葦室葦室

報曰元帥府約東若兵近夏境則與夏人相為犄角
毋相侵犯李過使人來曰夏國既以天德塞內歸大
國大國許我陝西北鄙之地是以此蒲察遂等旋
軍膚宗既定陝西元帥府不欲以陝西北鄙與夏國
詔曰卿等審處所宜從事

熙宗天眷二年乾順薨子仁孝嗣立

按金史本紀天眷二年正月戊戌萬壽節夏遣使來
賀十月癸酉夏國使告喪 按夏國本紀傳天眷二

年國王乾順薨子仁孝立遣使冊命加開府儀同三

司上柱國 摠張英本傳天眷三年同知太原尹晉
寧軍報夏人侵界詔奕往征之奕至境上摠籍各歸
所侵土還奏曰折氏在宗麟府以抗夏人本朝有其
地遂以與夏夏人夷折氏墳壘而戮其屍折氏怨入
骨髓而不得報也今復使守晉寧故激怒夏人使為
鼠侵而條上其罪苟欲用邊釁以雪私讎耳獨可徒
折氏他郡則夏人自安朝廷從之遂移折氏
皇統元年夏國請置推場始遣賜夏主生日
按金史熙宗本紀皇統元年正月夏國請置推場許

之 按夏國本傳皇統元年請置權場許之初王阿
海等以太宗誓詔賜夏國乾順以契丹舊儀見使者
阿海不肯曰契丹與夏國甥舅也故國王生受使者
以禮進今天金與夏國君臣也見大國使者當如儀
爭數日不能決於是始起立受焉厥後不遣賜生日
使至是始遣賜之

海陵天德二年夏主遣使賀即位

按金史海陵本紀天德二年六月戊戌夏國遣使賀
即位 按夏國本傳初暴泃以環州降及割陝西河

南與宋人消奔夏國夏人以為山訛首領及撒離喝
再定陝西消思歸夏人知之遂族消以表洵詔書責
讓之及海陵軾熙宗遣使報諭至境上夏人問曰聖
德皇帝何為見廢不肯納朝廷乃欲有司以廢立之
故移之報之天德二年七月夏使御史中丞雜辣公
濟等來賀如舊禮

正隆 年夏人取盩厔等城寨

按金史海陵本紀不載 按夏國本傳正隆末伐宋

宋人入秦隴夏亦乘隙攻取盩厔通峽九年會川等

城寨亦侵入夏境

去宗大定元年夏人歸所侵城寨

按金史本紀不載

按夏國本傳去宗即位夏人復

以城寨未歸且乞兵復宋侵地詔書嘉獎仍遣使部
郎中完顏達吉不休究陝西利害邊吏奏夏人已歸
城寨而所侵掠人口財畜尚未還清索之

大定四年夏人遣使賀萬春節

按金史去宗本紀大定四年三月丙戌朔萬春節夏

遣使來賀

按夏國本傳大定四年二月甲申夏遣

其武功大夫細臥文忠等賀萬春節入見附狀奏告
畧曰衆軍破蕩之時幸而免者十無一二繼以凍餓
死亡其存幾何兼夏國與宋兵交人畜之被俘僕亦
多連歲勤動士卒暴露勢皆脔削又坐為宋人牽制
使忠誠之節無繇自達中外咸知願止約理索聽納
臣言不勝下國之幸其後屢以為請詔許之
大定八年夏國遣使來賀其臣任得敬乞良醫病瘳
附表進禮物却之

按金史世宗本紀大定八年正月甲子朔夏遣使來

賀三月萬春節夏遣使來賀 按夏國本傳其臣仕
得敬專國政欲分割夏國因賀大定八年正旦遣奏
告使殿前太尉芭里昌祖等以仁孝章乞良醫為湯
敷治病詔保全郎王師道佩銀牌往焉詔師道曰如
病勢不可療則勿治如可治期一月歸得敬疾有瘳
遣謝恩使任得聰來得敬亦附表進禮物上曰得敬
自有是分附表禮物皆不可受並却之
大定十年夏主與其臣任得敬分地代為請封不許
夏主誅得敬且上表謝

推金史安宗本紀大定十年閏月夏國狂得敬脅其
主李仁孝使上表請中分其國上問宰臣李石石等
以爲事擊彼國不如許之上曰彼故於僱臣耳詔不
許並却其貢物推夏國本傳初仁孝嗣位其目屢
作亂狂得敬抗禦有功遂相夏國二十餘年陰蓄異
志欲圖夏國誣殺宗親大官其勢漸逼仁孝不能制
大定十年乃分西南路及靈州羅龐崩地與得敬自
爲國且上表爲得敬求封安宗以問宰相尚書令李
石等曰事擊彼國我何預焉不如因而許之上曰有

國之主豈肯無故分國與人此必權臣逼奪非夏主
本意况夏國稱藩歲允一旦迫於賊臣朕為四海主
寧容此耶若彼不能自正則當以兵誅之不可許也
乃却其貢物賜仁孝詔曰自我國家戡定中原懷柔
西土始則畫疆於乃父繼而賜命於爾躬恩厚一方
年垂三紀藩臣之禮既務踐修先業所傳亦當固守
今茲請命事頗靡常未知措意之由來續當遣使以
詢爾所有貢物已令發回得教密通宋人求助宋以
蠟丸書笈得教夏人得之教始因求醫附表進禮得

物欲以嘗試。安宗既不可行，而求封又不可得。仁孝乃謀誅之。八月晦，仁孝誅得敬及其黨，與上表謝。并以所執宋人及蠟丸書來上。其謝表曰：得敬初受分土之後，會遣赴大朝代請封。建蒙詔書不為俞納。使此朝廷憐愛之恩，夏國不勝感戴。夏國屢煩朝廷，冒求誠臣，封建深虧禮節。今既賊臣誅訖，大朝不用遣使詢問，得敬所分之地與大朝熙秦路接境，恐有分地以來，別有生事，已根勘禁約。乞朝廷亦行禁約。

大定十二年夏，國遣使來賀，罷西夏權場。

按金史世宗本紀大定十二年正月朔夏遣使來賀
三月萬春節夏遣使來賀九月以右衛將軍粘割幹
特利為夏國生日使 按夏國本傳十二年上謂宰
臣曰夏國以殊玉易我絲帛是以無用易我有用也
乃減罷保安蘭安權場

大定十七年夏主表進百頭帳却之復以表請許之
按金史世宗本紀大定十七年正月朔夏遣使來賀
十一月夏國進御帳使因邊臣懇求進入乃許之
按夏國本傳仁孝深念世宗恩厚十七年獻本國所

造百頭帳上曰夏國貢獻自有方物可却之仁孝再
以表上曰所進帳本非珍異使人亦已到邊若不蒙
色納則下國深誠無所展効四方鄰國以為夏國不
預大朝眷愛之數將何所安乃許與正旦使同來
大定二十八年夏國遣使來賀是歲請使人入界貿易
許之

按金史世宗本紀大定二十八年正月朔夏遣使來
賀九月以鷹房使崇愛為夏國生日使 按夏國本

傳先是尚書奏夏國與陝西邊民私相越境盜竊財

高毒人託名權場貿易得以往來恐為邊患使人入境與富商相易亦可禁止於是復罷終得權場止存東勝環州而已仁考表請復置蘭州保安經德權場如舊并乞使人入界相易用物詔曰保安蘭州地無絲枲惟經德建關市以通貨則使副往來聽留都亭貿易

章宗明昌元年夏人遣使來賀其後殺邊將阿魯帶詔索其人夏人乃殺之

按金史本紀明昌元年夏遣使來賀天壽節 按夏

國本傳章宗即位詔曰夏使館內貿易且已明昌子
年復舊頃之夏人肆牧於鎮戎之境邏卒逐之夏人
執邏卒而去邊將阿魯帶率兵護之夏廂官吳明契
信陵都卜祥徐餘立等伏兵三十於洶中阿魯帶口
中流矢而死取其弓甲而去詔索殺阿魯帶者夏人
處以徒刑詔索之不已夏人乃殺明契等

明昌四年夏國遣使來訃告以大譽等為夏國勅祭
慰問使

按金史章宗本紀明昌四年十一月夏國嗣子李純

佑遣使來訃告十二月以西上閣門使大譽等為夏
國勅祭慰問使 按夏國本傳明昌四年仁孝薨子
純佑嗣立

永安二年夏國遣使來賀復置蘭州保安權場

按金史章宗本紀永安二年九月辛丑天壽節夏遣
使來賀乙巳以夏使朝辭詔答許復保安蘭州權場

按夏國本傳同

永安六年夏人為母求臣賜之

按宋史章宗本紀不載 按夏國本傳永安六年純

佑母病風求醫詔太醫判官時德元及王利貞往仍
賜御藥八月再賜醫藥

泰和六年夏人廢紀佑而立仁孝弟仁友之子安全
按章宗本紀金史泰和六年正月朔夏遣使來賀七
月夏國王李純佑廢姪安全立遣使奉表來告 按

夏國本傳泰和六年三月仁孝弟仁友子安全廢純
佑自立再闕月死於廢所七月使純佑母羅氏為表
言純說若不能嗣守與大臣定議立安全為王遣使奏
告夏使私問館伴官奏告事詔許查館伴官曰此不

當問也夏使曰明日當問諸客省若又不答則升殿
奏請上聞之使客省諭以許所祈之意乃賜羅氏詔
詔其意夏人復以羅氏表來乃封安全為夏國王
衛紹王大安三年夏國遣使來賀安全彘族子遵頊
立

按宋史本紀大安三年正月乙酉朔夏遣使來賀

按夏國本傳大安三年安全彘族子遵頊立遵頊先
以狀元及第充大都督府主立在全邊前一月衛
紹王無實錄不知其故然是時金兵敗績於會河堡

夏人乘其兵敗侵略邊境而通使如故

崇慶元年三月改葭州

按金史衛紹王本紀崇慶元年正月朔改元赦夏遣

使來賀三月夏犯葭州延安路兵馬總管吳顯奴婢

禦之按夏國本傳同

至寧元年六月攻保安州

按金史衛紹王本紀至寧元年六月夏人犯保安州

殺刺史犯慶陽府殺同知府事按夏國本傳同

宣宗貞祐元年十一月攻會州

按金史宣宗本紀貞祐元年十一月夏人攻會州從
單醜兒出兵擊走之 按夏國本傳貞祐元年十一
月攻會州都統從單醜兒擊走之十二月陷澶州
貞祐二年夏人入寇詔移文責問

按金史宣宗本紀貞祐二年十一月丁卯詔有司答
夏國諜丙子蘭州譯人程陳僧叛西結夏人為援

按夏國本傳二年八月歸國人喬成齋夏國書大概
言金邊使役畧乞禁戢詔移文答之宰臣言既非公
牒今將責問彼必飾詞徒為虛文無益於事乃止未

幾夏人攻慶原延安積石州乃詔有司移文責問十
一月蘭州譯人程僧結夏人以州叛邊將敗其兵三
千

貞祐三年夏國人入寇陀滿胡土門敗之

按金史宣宗本紀貞祐三年正月夏人犯環州五月
謀伐西夏 按夏國本傳三年正月夏兵攻武延州
宣宗曰此不足慮恐由他道入也既而聞邊吏侵夏
境夏人乃攻環州詔治邊吏罪夏兵攻積石州都統

姜伯通敗之夏兵入安鄉關都統曹記僧萬戶忽三

十却之三月攻環州刺史烏古論延壽敗之於境上
三月詔議伐夏陝西宣撫司奏往者夏人侵我環慶
河蒲積石以兵應之悉皆避去遽還巢穴蓋為我備
也今蘭州潰兵猶未集軍實多不完沿邊地寒春草
始生未可芻牧兩界無煙火者三百餘里不宜輕舉
從之四月詔河州提控曾記僧通遠軍節度使完顏
朶兒討程陳僧夏人援之九月遂破西蘭堡夏人復
攻第五將城萬戶楊真興擊走之詔陝西宣撫司及
沿邊諸將降空名室勅臨陣立功立品以下並聽遷

授十月攻保安及延安都統完顏國家奴破之既而
深入臨洮總管陀滿胡土門不能禦使西宣撫副使
完顏胡失耒救臨洮大敗於謂源堡城破胡失耒被
執十一月夏兵敗於克戎寨復敗於熱羊寨宰相入
賀宣宗曰此忠賢之力也夏兵進圍臨洮陀滿胡土
門破之

貞祐四年以夏人頻年入寇命慶山奴等分道出師
討之

按金史宣宗本紀貞祐四年五月己巳來遠鎮獲夏

謀者陳岳等知夏人將圖臨洮鞏州闕長安命陝西
行省嚴為之備十月夏人修柔羌城界河橋元帥右
都監完顏賽不遣兵焚之俘載甚多按夏國本傳
四年四月夏葩俄族總管汪三即率眾柔降進羊子
口詔納之優給其人有來遠鎮獲謀人言宋夏相結
來攻詔陝西行省備之夏於柔羌城界河起柝橋元
帥右都監完顏賽不焚之斬馘其眾六月廊延路奏
夏人謀報用彼國先定年錦訂封還其謀洎月慶陽
總管慶山奴伐夏出環州陝西行省請中分其地今

慶山奴出第三將懷安寨環州刺史完顏胡會出環
州宣宗曰聞夏人移軍備其王城尚恐詎我勿墮其
計中也提控完顏狗兒抵蘭州西關堡招得舊部曲
九人掩擊夏兵於阿彌灣殺其將士百餘人八月左
監軍烏古論慶壽敗夏兵於寇安堡右都監賽不擊
走夏兵於結耶嘴川復破之於車兒堡十一月提控
石盞合喜楊幹烈解定西之圍十二月丙寅宣宗與
皇太子議伐夏左監軍陀滿胡土門延安總管古里
甲石倫攻監省夏州慶陽總管慶山奴知平涼府多

利谷不也攻威靈安會等州

興定元年夏人入寇敗之

按金史宣宗本紀興定元年五月陝西行省破夏人於大北岔七月甲辰夏人犯黃鶴岔官軍敗之乙巳夏人圍羊狼寨帥府發諸鎮兵擊走之按夏國本傳興定九年正月夏兵三萬自寧州還慶山奴以兵邀擊敗之詔河東行省昏鼎遷兵三萬五千付臨滿胡土門伐夏鼎馳奏不可遂止語在鼎傳右都監完顏仲元請弒兵西夏出其不意必獲全勝兵威既震

國力益完詔下尚書省樞密院議夏人福山以俘尸
來降除同知澤州軍州事五月夏兵入大比公都統
統石烈猪狗掩擊敗之宣宗欲與夏議和右都監慶
山奴氏延安奏曰夏國決不肯和徒見欺耳既而獲
謀者言遵頊聞大金將約和戒諭將士無犯西鄙軍
臣奏曰就令如此邊備亦不宜弛宣宗以為然右都
監完顏問山敗夏兵於黃鶴岔夏人圍羊狼寨都統
党查昌與戰完顏狗兒遣都統夾谷瑞夜斫夏營遂
解其圍猶駐追地左都監白撒發定西觀兵龔谷副

統包孝成緋翅軍合擊走之八月安定堡馬家平總
押李公直敗夏兵三千九月都統羅去暉却夏兵於
克戎寨

興定二年夏人入葭州又入龔谷皆敗之

按金史本紀興定二年五月夏人自葭州入廊延元
帥承立遣兵敗之馬吉峰七月夏人復犯龔谷瑞大
破之

山奴奏夏人有乞和意保安德德葭州得文報乞復
互市以尋舊盟以臣觀之此出於遵頊非邊吏所敢

專者朝廷不以為然五月夏人入葭州慶山奴破之
於馬古峰七月犯龕谷夾谷瑞趙敗之追至質孤
堡

興定三年夏人犯通秦砦元帥完顏合達出安塞堡
以擣其巢

控金史宣宗本紀興定三年三月夏人破葭州之通
秦砦刺史統石烈王家奴戰沒四月乙酉夏人據通
秦塞提控納合買住擊敗之辛卯夏人犯通秦砦元
帥兒顏合達出兵安塞堡以擣其巢至降州夏人遂

戰官軍擊之衆潰進薄城俄陷其西南隅會日暮還

按夏國本傳三年閏月夏人破通秦寨提控納合
買住擊敗之自葭蘆川遁去華川元帥完顏合達出
安塞堡至隆州敗其兵二千進攻隆州克其西南會
暮乃還十二月詔有司移文夏國
興定四年夏人入寇敗之

按金史宣宗本紀興定四年四月夏人犯邊元帥石
盪合喜破之八月庚午夏人陷會州刺史烏古論
降顯甲戌陝西行省報翁卷敗夏人之捷九月夏人

入定西州癸卯夏人來侵丙辰鞏州行元帥府事右
蓋合喜報定西州之捷 按夏國本傳四年二月夏
人犯鎮戎金師敗績夏人公移語不遜詔討臣草謀
析之四月夏兵犯邊元帥石蓋合喜過於鹿兒原提
按烏古論世顯以偏師敗之都統王定復破其衆於
新泉城元帥慶山奴攻宥州圍神堆府次其城士卒
有登者援兵至擊走之斬首二千俘百餘人獲雜畜
三千餘八月夏人陷會州刺史烏古論世顯降復犯
龕谷夾谷瑞連戰敗之夏人乃去是月詔有司移文

議和事竟不克夏人三萬自高峰鎮圍定西刺史愛
申阿失刺提控烏古論長壽溫敦永昌擊走之九月
夏人圍經乎寨安定堡未幾陷西寧州遂攻定西烏
古論長壽擊却之乃襲鞏州石蓋合喜逆戰一日十
餘戰乃解去

興定五年夾谷海壽破夏兵於搜菟堡白撒敗夏兵
於龕谷

按金史宣宗本紀興定五月十月壬戌夏人復侵龕
谷丁卯夏人犯定西積石之境十一月陝西東路行

省報安塞堡敗夏人之捷 按夏國本傳五年正月

詔樞密院議夏事於曰夏人聚兵境上欲由會州入

已遣行省白撒伏兵險要以待之廊延元帥府伺便

發兵以綴其後足以無慮二月寧遠軍節度使夾谷

海壽破夏兵於搜菟堡三月復取棗羌城十月攻龕

谷白撒連敗之

元光元年夏人陷大通復取之

按金史宣宗本紀元光元年三月提控李師林敗夏

人於永木嶺 按夏國本傳元光元年正月夏人陷

大通城復取之三月提控李師林敗夏兵於永木嶺
八月攻寧安寨攻神林堡入質孤堡提控唐皓昉敗
之

元光二年夏人入寇鞏州元帥報會州之捷

按金史宣宗本紀元光二年七月夏人犯積石十一

月鞏州行元帥府報會州破夏人之捷按夏國本

傳二年遵頊使其太子德任來伐德任諫曰彼兵勢

尚強不若與之約和遵頊笑曰是非爾所知也彼失
蘭州竟不能復何強之有德任固諫不從乞避太子

位願為僧運理怒函之靈州遣人伐將會天旱不果
是歲大元兵問罪夏國延安慶原元帥府欲乘夏人
之困敵伐之陝西行省白撒合達以為不可乃止隴
安軍節度使完顏阿鄰日與將士宴飲不治軍事夏
人乘之掠民五十餘口牛羊雜畜數萬而去自天會
議和八十餘年與夏人未嘗有兵革之事及貞祐之
初小有侵掠以至構難十年不能一勝一負精銳皆
盡而兩國俱敝是歲遵頊傳位於子德旺正大元年
和議成自稱兄弟之國

元光三年遵頊死明年夏國亡

按金史宣宗本紀不載 按夏國本傳三年二月遵

頊死七月德旺死嗣立者史失其名明年夏國亡先是夏使精力勳臣使王立之來聘未復命國已亡詔於京兆安置充宣差彈壓主管夏國降戶八年五月立之妻子三十餘口至環州詔以歸立之賜以幣帛立之上言先世本申州人乞不任居申州詔如所請以本官居申州主管唐鄧申裕等處夏國降戶聽唐鄧總帥府節制給上田千畝牛具農作云

夏國傳論

宋史

拓跋氏考諸前史可見也自亦辭納款於貞觀立功於天寶思恭以宥州著節於咸通夏雖未稱國而王其土久矣子孫歷王五代宗興太祖即西羊王加彘興太尉德明在祥符間已追帝其父於國中逮元昊始顯稱帝厥後因之與金同亡概其歷世二百五十八年雖嘗受封冊於宋宋亦稱有歲幣之賜誓詔之答要皆出於一時之言其心未嘗有臣順之實也元昊結髮用兵凡二十年無能折其強者乾順建國學

設弟子員三百立養賢務仁孝增至三千尊孔子為
帝設科取士又置官學自為訓導觀其陳經立紀傳
曰不有君子其能國乎今史所載追尊謚禘廟僖陵
名兼採夏國樞要等書其與舊史有所抵牾財闕疑
以俟知者焉

西夏傳贊

贊曰夏之立國舊矣其臣羅查昌譜叙五次稱元魏
衰微居松州者因以舊姓為拓跋氏按唐書党項八
部有拓跋部自党項入居銀夏之間者號平夏部拓

跋思恭以破黃巢功賜姓李氏兄弟相繼為節度使
居夏州在河南繼遷再立國元昊始大乃北渡河城
興州而都之其地初有夏經銀宥靈鹽等州其後遂
取武威張掖酒泉燉煌郡地南界橫山東距西河上
宜三種善水草宜畜牧所謂涼州畜牧甲天下者是
也上堅腹水清冽風氣廣其民俗疆梗尚氣重然諾
敢戰鬥自漢唐以水利積穀倉邊兵興州有漢唐二
渠甘涼亦各有灌溉土壤雖小能以富疆地勢然也
五代之際朝興夕替制度禮樂盪為灰燼唐節度使

有鼓吹攻夏國聲樂清厲頌挫猶有鼓吹之遺音焉
然能崇尚儒術尊孔子以帝號其文章辭命有可現
者立國二百餘年抗衡遠金宋三國徇鄉無常視三
國之勢強弱以為異同焉故近學者紀西北地理佳
佳皆臆度言之聖神有作天下會於一驛道往來
視為東西州矣

西夏雜錄

東軒筆錄咸平中張文定公齊賢建議蕃部中族感
兵衆可以牽制繼遷者唯西涼而已真宗皇帝用其

田夏老畧
議拜潘羅巧為西涼歸度使旁泥埋為鄯州防禦使
俾特角攻討率致繼遷之死喃氏遂保宗歌城角僧
立連奉為謀主部者歸勤兵數萬祥節未遣使真名
馬請為朝走討夏州真宗以戎人多詐命曹瑋知秦
州以備之果得其詐偽之情及瑋破魚角陣戮貴闕
丹又於三都谷大破西涼入寇之兵復以奇討斬立
連於是西涼破膽矣
元昊未叛時先以兵破回鶻擊吐蕃修築邊障諱祚
亦連年攻喃氏又破連珠城然後以兵犯邊世人每

見自相攻討以為中國之利不知其先絕後顧之患
然後悉力犯我此知兵者所宜察也諸葛亮宣樂為
渡瀘之後而務能於孟獲輩哉亦欲先絕後患而專
意於中原也

康定中元昊入延州東路犯安南永平兩寨又以兵
犯西路聲言將襲保安軍故延州發兵八萬支東西
二隅而元昊乃乘虛由北路擊破金明寨擒李士彬
直犯五龍川破劉平石元孫遂圍延州嘉祐中麟州
之後諒祚二年間連以兵屯窟野河進逼邊界聚而

復散故武勦郭恩習以為常輕兵而出忽里堆覆發
而兵賊然則敵人出沒聚散蓋將有謀知宜深察也
西邊城寨皆在平地絕銀靈夏寬宥等州皆然也後
山謨叢黃縉武人常謂平生無大過惟於然河多
得官為恨蓋邊徼例以虛功而受厚賞爾又謂議者
重燕而輕夏燕人衣服飲食以中國為法夏人不慕
中國習俗自如不可輕也又言為涇原總管曾夜雪
臨邊頗有馬逆使逐得之乃夏之邏人甯四更者夏
人逐更而巡中國之備不及也以渠自尋其境乃舍

之

西夏志畧卷四

西夏志畧卷四

終

二十八